

Heldu dira Anteroren jaiak

I.M. / LEKEITIO

Lekeitiarrak 'Anteron txamarrotea' kantatzen ari direla jaitisiko da gaur Antero arrantzalea elizako kanpandorretik udaletxeko balkoira. Asteguneko txamarrote urdinik ez du izango gaur Anterok: San Antolin bezperari dagokion modura, txamarrote zuria, fraka urdinak, abarketa zuriak eta txapela jantzita ibiliko da arrantzale apala. Behin udaletxeko balkoian, kanpaiak errepika hasiko dira eta txupinaren danbatekoa ere orduan entzungo da. Sanantolinak hasi diren seinale.

Ordubete lehenago koadrilak jaiaren hasiera ofizialari aurea hartu eta, Herriko Banda, Aittita Makurra eta Danok Bat txarangak aurrean ditzutela, Udaletxeko plazara jaitisiko dira festarako gogoari eutsi ezinik. Anteroren jaitisiera eta txupinaren danbatekoaren ondoren, lehertu egingo da festa eta datorren igandera arte ez da atsedunik izango.

Baina dena ez da parranda izango. Elizkizunak ere izango du lekua festaren hasieran, Anteroren jaitisieraren ordurako, iluntzeko zortzietarako alegia, bait dago iragarria urteroko Angelusa. Sanantolinak elizan ospatzeko ohitura duenak Meza Nagusia ere izango du biharamoneko hamarretan: Udaletxetik elizaraino joango da meza hasi aurretik korporezko munizipala Herriko Bandak lagunduta.

Ordutik aurrera, nonnahi eta noiz-nahi izango da zereginik eta zerikuririk lekeitiarrentzat nahiz kanpotik etorriko direnentzat. Musika emanaldiak egunero izango dira: Bandaren kontzertuak, berbena taldeak, trikitilariak, txarangak... Hilaren 7an Plazan egingo den euskal erromeria da aurtengo egitasmoan nobedade. Sagardoa eta gazta banatuko da ber-

tan eta bertsolariek parodia modukoa egingo dute koplatan. Egun berean, gauzez, ez da plazan berbena talderik izango, musika kalez kale eraman eta giroa tabernetatik ateratzeko saioa egingo bait da. Bi txaranga arituko dira gau osoan, ea jendea tabernetatik kalera irteera animatzen den!

Beste nobedadea herri bazkaria da. Antzara egun bezperan, hilaren 4ean, egingo da Tinglaupen. Garai batean koadrila batzuk hasi omen ziren herri bazkaria egiten, baina arrakasta handirik ez zuen izan itxuraz, eta bertan behera utzi zuten. Iaz ekin zitzaion berriro ohiturari, baina gazteen arteko bazkaria izan zen hura, 22 urtetik behera zutenena. Aurtten herritar guztientzat antolatu da herri bazkaria, aurrerantzean urteroko ohitura bihurtzeko asmoz.

Kirolzaleentzat ere izango da zer ikusi. Esku pilota partiduak jokatu dira lehenengo hiru arratsaldetan Santi Brouard kiroltxean, eta zesta punta partiduak hurrengo hiru gaueetan. Kuadrilen arteko Saskibaloitxapelketa jokatu da leku berean irailaren 3an, eta herri kirol ekitaldia izango da plazan egun bereko iluntzean. Trinkete txapelketa eta umeentzako atletismo probak hilaren 8an egingo dira.

Jaiak ez dira noski aipatutako ekitaldietara mugatuko. Ondorengo orrialdeetan aipatzen ditugun Antzara Jaiak, Mastapunta, Irrintzi txapelketa, Kaltzontzilo lasterketa, Lekeitioko pentlatoi berezia, sokamuturra eta abarra ere ez dira faltako Sanantolinetan, ezta aipatu ezin ditugun beste zenbait kontu ere...

Baina datorren igandea ere ailegatu da, eta Antero udaletxeko bal-koitik elizara itzultzen den bitartean, indarrak geratzen zaionak Koittaduarena abestuko du jaiak adio esateko: «Koittadua, koittadua, amaitu dira jaiak Lekeitiokuak» ●



FELIU

Antzar jokoaren eguna izango da Sanantolin jaietako egun nagusia: orduan bilduko da Lekeition jenderik gehiena.



OLABARRIAGA BIZIKLETAK

Dendari kalea, 47
Tfnoa.: 6841856

LEKEITIO

Egunkaria

Festa on
irakurleoi!!



AZOKA

BARASKI ETA LORAK
☎ 6840060 - LEKEITIO

E. ITURRIAGAGOTIA

GOZOTEGIA

GORA EUSKADI EUSKALDUNA

Gamarra, 6

LEKEITIO



MARCOS BERNAOLA

MAPFRE-KO DELEGATUA

Artolaba, 4 Tfnoa.: 6842090 - FAXA: 6243159 - 48280 LEKEITIO

Ziarrreta

TXAPELAK - MAHON JANTZIAK

Arranegi, 28 Tfnoa.: 684 08 91 48280 LEKEITIO



LEKEITIOKO UDALAK

San Antolin Jaiak

alaitasunez



ospatzeko

opa dizue